

苗疆屯防實錄

第七冊

苗疆屯防實錄

卷之四

苗疆屯防是錄卷之七

屯防條奏事宜

兵部尚書湖廣總督部堂陳 為恭錄行知事為照
本部堂於道光元年十二月二十六日會同

左撫部院具

奏遵

查辦苗疆事一摺今於十二月初三日奉到

硃批另有

旨原摺留覽欽此同日承准夾單內開道光元年十一月

內閣奉

上諭陳若霖等奏籌議查辦苗疆事宜一摺前據張映漢

奏等議苗疆事宜各條當降旨交陳君霖左輔會同詳
擬茲據督等查明妥議覆奏鳳凰等五廳縣額設屯丁
原定章程應於均田本戶及出力丁勇內挑補其委員
屯官等有以隨帶私人頂充者着悉令退田開缺並永
杜侵佔以安屯業至屯防佃租該處地本曉瘠原額過
重現將各項浮費刪裁則租額自可輕減着照所議於
民苗佃種田土內按則減去租谷一萬八千石並將鳳
永二廳最瘠之區再減去谷二千七百七十石以紓佃
力嗣後責成該等道樽節支銷年清年款毋任虛糜其苗
疆積貯銀谷歷年動缺現以加恩准其借款歸補務各
認真經理以裕儲備屯防委員概行裁撤所有一切經

費出納即該道等按限征解逐層稽核嚴禁侵漁至兵
後擅入苗寨本有例禁嗣後務遵照舊章凡有勾攝公
事由苗弁傳喚其兵役藉詞擾累者查按律重懲毋稍
寬貸苗舉人有願赴京會試者即照本省舉人之例給
與公車銀兩仍嚴禁書吏需索俾令踴躍觀光再苗疆
遠處邊隅如遇淮鹽不能接濟着准其照湖北歸州等
州縣之例聽民買食川鹽不得過十觔之數如有大夥
私販仍責成該地方官嚴拏以杜浸灌該督等督飭該
道董率廳縣是心經理如意撫妥用副勝意又安遠園
意欽此又承准

軍機處片開貴督等奏等議苗疆事宜各條章程單奉

硃批覽欽此單留本處備查為此知會等因承准此合就
恭錄札行為此仰道官吏即便移行委員鄭參將等并
甯疆各廳縣及屯弁一體欽遵查照毋違特札甄別甯
疆管理屯務委員

吏部咨開考功司案呈准湖南巡撫左 咨稱據布政使錢 會同署按察使多 貴呈詳案查前經刑部待即張 條奏苗疆事宜欽奉

諭旨查辦除辦屯委員業已撤退外茲查有署乾州廳經歷永順縣典史王允吉原辦乾州廳屯務素日執拗任性辦事未能公正不協輿情且年逾六旬未便任其戀棧應請即行勒休又現署永綏廳經歷候補縣丞陳樹梓歷管永綏保靖屯務十餘年持躬不知謹飭民苗嘖有煩言未使姑容應請革職以肅吏治相應咨部查辦核議示覆相應咨達等因前來查署乾州廳經歷永順縣典史王允吉既據該撫以該員原辦乾州廳屯務業

曰執拗任性辦事未能公正不協輿情且年逾六旬未
便任其戀棧咨請勒休并署永綏廳經歷試用縣丞陳
樹梓歷管永綏保靖屯務十餘年持躬不知謹飭民苗
嘖有煩言咨請革職應將署乾州廳經歷事永順縣典
史王允吉照咨令其勒休致署永綏廳經歷事試用縣
丞陳樹梓照咨革職開缺知照湖南巡撫可也

道光二年正月十三日准咨

詳定苗疆應禁應增事宜四條道光元年

一苗疆田土應永禁丈以廣

皇仁也

△△等苗疆三屬田土原額賦稅秋糧五百餘兩

自設屯防將田土丈除分授屯丁屯長等項三萬七千餘畝外其應繳屯租之經費鹽糧等田土原額歲繳租九萬九百餘石雖係召佃征租而合分授之田較前賦稅已二百餘倍則苗疆田土存留於民間者已屬無幾是以嘉慶十三年傳衆司在道任時曾經出示永遠禁丈田土在案又十九年清查原詳內載鳳凰下五崗都吾務頭二約田畝全數歸公其山土未經丈收永綏六里民村田土俱皆歸公其山土除丈收入官外尚有

山頭地角及官土之旁疇畧荒隙現經民人私自墾挖者再行清丈歸官則民間毫無立足之所懇將鳳永二驛歸公地方由土於此次清查之後凡未經查丈入冊概准歸民墾種永不征租等因亦在案茲據永經委員稟出清查以後未經詳報之丈收土七百七十餘畝丈收回一百六十餘畝內稱或因民畝互爭稟請查丈或係原丈未經成熟或及未經成林之桑樹土現已成熟成林等因△△等查該處收丈情節雖屬有因究與傳臬司之示禁及光緒九年之詳按不符更非示信於民之道且現奉

撫憲
憲台

札飭勸諭種植以廣生計似此查丈無休所有山頭

地角民苗安敢再行開墾以資樹藝則田野不闕民財
何生寔為墾墾之獎政除將所丈之土體查情形或發
還原墾之戶或墾為民苗坟塋屋址其田以為各廟香
火之資並將所徵租冊分別註明銷除以符前詳永不
徵租之案外嗣後民苗之畸零開墾應請

查禁墾大中詳俾督飭民苗以盡地利而裕生計

一練勇屯丁應量予訓練以期有恃無患也△△

苗疆沿邊設屯丁七千名鎮守駐練勇一千名邊防之
嚴肅軍威之整肅素為苗人所畏懼現在苗情雖屬萬
分馴順而武備仍不可一日懈弛尤當整飭戎行以免
日久生玩第戎政之整飭務收知方之是效考古論練

首在胆氣而胆氣之奮發必基於足履之矯捷足捷而後氣雄氣雄而後胆壯胆壯而後靜習之武藝始能施展疆場而足力軟弱以之登高涉險則喘噀衰竭雖有勝人之技斷難望其可用蓋苗疆多係層巒疊嶂溝道如梳非平衍之地用兵可比是以前傳臬司蕩平苗氛先令各丁勇習走先登兼學跳躍身法凡遇臨敵接戰往往得利大概皆先得練足之力也今△△視事後校關各勇技藝雖尚益武然墜隊之人已稀類皆崇尚滅儀務悅人目比昔曰之所謂練者迥別矣至屯丁之技藝亦多生疏設鄧慶烈△△除嚴令該管屯備弁勤加訓練外嗣後應請仍由儘章令各勇旦縛鉛丸按期

跑山以練其足習射者以挽強命中為要習鳥鎗者於
打平靶後兼操攻上擊下之法習刀矛者務講求格鬪
擊刺之法各盡其能以成精銳而後或演障式使知步
伐之止齊號令之變化斯為効旅至屯丁技藝亦當於
農隙之時照例依式演習毋得節省操演之費致虛邊
防更請永為定式庶聲威日壯而苗更為矚眼矣

一苗人詞訟應請照依舊章准理以息訟源也查

苗性好

訟如彼此稍有不合雖數十年之細事皆錄以具控以
圖拖累陷害前傳臬司在道任時洞悉其情以苗人詞
訟凡嘉慶十年以前之事概不准受理亦不准具控出
示曉諭在案緣十年之後苗人俱以輸誠向化從前之

罪犯已仰蒙

皇恩赦宥凡遇田土錢債詞訟亦應以向化日起方為理
究庶無膠轕而免擾累此傳臬司籌慮最周之章程自
當永遠辦理第此條並未詳請列八條例凡新任之員
固知舊章而刁狡之苗仍將嘉慶十年以前之事具控
若准予審理則紛紛以此控訴甚至民人亦以苗人前
事具告必致輾轉拖累一經滋訟大為苗害△△視事
後遙知此弊除申明舊章禁止並密行查訪外應請將
苗人詞訟不准受理嘉慶十年以前之事列入省例永
行禁止不得違例審理如苗人以此具控除列案不行
外仍照不應重律究治俾共知儆戒庶群苗咸知安分

訟獄自息矣

一、令派苗夫應請示禁以杜滋擾也。查苗人充應夫後

舉

前軍營門憲會同等之善後章程案內凡文武大小官員

因公往來巡查經由苗地需用人夫該苗弁即傳所管

苗人與漢民一體當差聽候給發價值等因。大案嘉慶

十四年傳臬事恐將來兵役人等假充官差或官員往

來非因公事俱一律應付未免滋擾請禁止擅用苗夫

等因亦在案。△△等查前憲所立章程其時甫經投誠

所有官員往來均田應邊民地繞道行支並無經由苗

地之人亦無苗人受僱當差之事自十年剿辦永綏匪

舉以後苗畝懾服真心向化文武大小官員公私往來
始經苗地因援例索夫而苗人之往來遞送遂多絡繹
不絕傳臬司查知此例深為苗病是以詳定章程以紓
民力△△等細思苗夫一項向係挨寨遞送凡遇一官
經過傳諭苗夫則數十里之內各寨苗夫均按應行更
替地段齊集道旁裹糧靜候如用夫數十名許沿途靜
候遞換之夫即需數百人若官員傳諭已竣或因事遲
延數日而沿途苗夫亦曠工靜候數日所定價值每里
給制錢一文本不敷用而苗夫得領者亦少更有沿途
夫來稍遲或來不敷用則幾論何寨何項苗人概拏頂
充往往鬧事似此一官經過使數百人枵腹奔走更使

誤於耕作擾苗之事莫此為甚前傳臬司所定章程各
官因公僱用苗夫應令報明該管鎮將道廳縣給發印
照方准僱用如果遵行辦理苗人之應付尚有息肩之
日第曰久獎生動有苗夫之印照又將以為酌應人情
之私券是以有免役之名仍無輕役之定△△視事後
遂知此獎當飭各廳縣並出示申明舊例嚴禁在案惟
是苗人既已革心革面奉公守法撫馭一切自應使其
安耕安業共享

昇平之福始為久遠之謀應請嗣後僱用苗夫除巡閱大
差照舊僱用按名按日照例給價外其餘文武官員往
來苗地均應自僱長夫概不佳沿途擅行索夫以杜擾